

SAOPŠTENJE ZA MEDIJE

LOKALNI EKONOMSKI RAZVOJ DOBIO SNAŽNU PODRŠKU:

6,9 MILIONA KM ZA 17 PROJEKATA

Banja Luka, 30. januar 2026. – Na događaju „Otključavanje potencijala – saradnja znači razvoj“, održanom u Banjoj Luci, predstavljeno je **17** projekata iz **11** gradova i općina/opština u Bosni i Hercegovini koji su dobili bespovratna sredstva kroz program „**Lokalni ekonomski razvoj u Bosni i Hercegovini (LER u BiH)**“, koji finansira **Vlada Švicarske**, a provodi konzorcij **Caritas Švicarske** i **NIRAS**.

Ukupna vrijednost odobrenih projekata iznosi **6,9 miliona KM** (**2,8 miliona KM** (41%) sufinansiranje LER u BiH, **4,1 milion KM** (59%) je učešće općina/opština/gradova i privatnog sektora. Projekti su usmjereni na konkretne potrebe lokalnih zajednica – od jačanja konkurentnosti preduzeća i zapošljavanja, do unapređenja lokalnih kapaciteta, saradnje između različitih aktera, zelene i digitalne tranzicije i privlačenja investicija.

U obraćanju medijima, Njegova Ekselencija **Gabriele Derighetti**, ambasador Švicarske u Bosni i Hercegovini, istakao je značaj dugoročne podrške lokalnim zajednicama:

„Švicarska kroz program LER u BiH ulaže u održive lokalne inicijative koje donose stvarne koristi građanima. Naš fokus je na stvaranju radnih mjesta, jačanju lokalnih institucija i uključivanju žena, mladih i marginalizovanih grupa u razvojne procese. Ova inicijativa počiva na tri ključne vrijednosti: vremenu, povjerenju i inovaciji. Švicarska je dugoročno posvećena partnerstvu s Bosnom i Hercegovinom, jer su trajne promjene moguće samo kroz stabilnu saradnju i međusobno povjerenje. Inovacije su neophodne kako bismo povezali opštine, uključili privatni sektor i stvorili nova radna mjesta, snažnije lokalne ekonomije i kvalitetnije usluge za građane.

Voditelj projekta Lokalni ekonomski razvoj u Bosni i Hercegovini, **Željko Karanović** rekao je da su ovi projekti, osmišljeni za poticanje lokalne ekonomije i povećanje prihoda, te kao takvi doprinose stvaranju perspektivnije budućnosti sa posebnim fokusom na žene, mlade i marginalizovane grupe.



“Ovi grantovi podstiču opštine/općine i gradove da sarađuju međusobno i s privatnim sektorom, kako bi lokalne strategije pretvorili u konkretne ekonomske rezultate. Projekti su osigurali 59% sredstava iz vlastitih izvora, a u jednom slučaju partneri su osigurali čak 73,5% ukupnog budžeta projekta. Primjetan je i rast kvaliteta i ambicije prijedloga, s više zajedničkih inicijativa više opština, što pokazuje jaču koordinaciju i strateški pristup lokalnom ekonomskom razvoju.”

Zajednički projekti općina/opština i gradova donose održive poslovne modele, nova znanja i nova radna mjesta. Pet projekata fokusirano je na zelenu tranziciju, pet na inovacije, digitalizaciju i tehnološki razvoj, dok je sedam projekata usmjereno na razvoj vještina, društveni uticaj te podršku mikro, malim i srednjim preduzećima.

Gradonačelnica Zavidovića, **Erna Merdić Smailhodžić**, naglasila je važnost partnerstva:

“U ovom projektu učestvujemo zajedno s općinom Kakanj kroz inicijativu „Zeleni put – zadruga za cirkularnu ekonomiju i održivi turizam“. Projekat je usmjeren na osnaživanje malih poljoprivrednih proizvođača i udruženja žena kroz formiranje zadruga, zajedničko brendiranje lokalnih proizvoda i razvoj turizma. Planirano je i otvaranje „Zavidovičke“ i „Kakanjske kuće“ kao promotivno-prodajnih mjesta, s ciljem prelaska iz sive u formalnu ekonomiju.”

Projekt menadžer Grada Banja Luka, **Milada Šukalo**, istakla je direktne koristi za građane Banja Luke:

“Grad Banja Luka je u maju 2024. potpisao Memorandum o saradnji sa Caritasom Švicarske i ponosni smo što učestvujemo u projektu ‘Lokalnog ekonomskog razvoja u BiH’, kao jedna od 11 jedinica lokalne samouprave u Klasteru 2, zajedno s Prijedorom i Čelincem. Kroz projekat ćemo realizovati više aktivnosti u saradnji s Gradskom razvojnom agencijom, uz poseban fokus na podršku malim i srednjim preduzećima kao nosiocima lokalnog razvoja.”

Dragan Šepa, generalni sekretar Privredne komore Republike Srpske, naglasio je važnost sistemskog pristupa programu:

“Privredna komora Republike Srpske je strateški partner u projektu Lokalnog ekonomskog razvoja u BiH koji provodi Caritas Švicarske, uz tehničku podršku procesu BFC sertifikacije jedinica lokalne samouprave. Trenutno je 17 lokalnih zajednica u procesu sertifikacije ili već sertifikovano, što potvrđuje njihovu posvećenost unapređenju poslovnog okruženja i lokalnog razvoja.”



OTKLJUČAVANJE POTENCIJALA
Saradnja znači razvoj.

CARITAS Schweiz
Suisse
Svizzera
Svizzera **NIRAS**

Program Lokalni ekonomski razvoj u Bosni i Hercegovini (LER u BiH) usmjeren je na jačanje lokalnih zajednica kroz partnerstva javnog, privatnog, nevladinog i akademskog sektora, s ciljem stvaranja inkluzivnih i dugoročno održivih ekonomskih prilika prilagođenih lokalnim potrebama, a realizuje se u Žepču, Tešnju, Tesliću, Prijedoru, Banjoj Luci, Zenici, Doboju, opštini Doboju Jug, Kaknju, Čelincu i Zavidovićima.

U okviru programa trenutno je otvoren [dodatni javni poziv](#) za dodjelu grant sredstava, a projektni prijedlozi se razmatraju kontinuirano, po redoslijedu prijema, do utroška raspoloživih sredstava.

Sve informacije o uslovima i načinu prijave dostupne su na web stranici: www.lerubih.org.